



Republika e Kosovës
Republika Kosovo - Republic of Kosovo
Qeveria - Vlada - Government

Ministria e Bujqësisë, Pylltarisë dhe Zhvillimit Rural
Ministarstvo Poljoprivrede, Šumarstva i Ruralnog Razvoja
Ministry of Agriculture, Forestry and Rural Development
*Agjencia për Zhvillimin e Bujqësisë / Agencija za Razvoj Poloprivrede /
Agriculture Development Agency*

ZYRA PËR KOMUNIKIM ME PUBLIKUN / KANCELARIJA ZA JAVNO KOMUNICIRANJE /
OFFICE OF PUBLIC COMMUNICATION

THIRRJE PËR APLIKIM
PËR FERMERËT DHE EKONOMITË BUJQËSORE TË REPUBLIKËS SË KOSOVËS

PËR PËRFITIM NË KUADËR TË IMPLEMENTIMIT TË “PLANIT PËR BUJQËSI DHE
ZHVILLIM RURAL 2014 - 2020”, **MASA 302** “DIVERSIFIKIMI I FERMAVE DHE
ZHVILLIMI I BIZNESEVE”

1. QËLLIMI I THIRRJES PËR APLIKIM

Qëllimi i thirrjes për aplikim është dhënia e mbështetjes financiare/granteve për investime në ferma në kuadër të Masës 302 “DIVERSIFIKIMI I FERMAVE DHE ZHVILLIMI I BIZNESEVE”, sipas Planit për Bujqësi dhe Zhvillim Rural 2014-2020, për vitin 2015, duke përfshirë:

- Bletarinë - prodhimin, përpunimin dhe marketingun e mjaltit;
- Përpunimin e prodhimeve jodrusore të malit dhe marketingun e tyre (bimëve mjekuese dhe aromatike, frutave pyjore dhe kërpudhave të grumbulluara);
- Përpunimin e prodhimeve bujqësore (të kultivuara) dhe marketingun e tyre (perimet, frutat, erëzat, bimët mjekuese, kërpudhat, qumështi, mushti, vera, rakia nga rrushi dhe nga fruta të tjerë, prodhimi i uthullës, përpunimi i brumërave);
- Zhvillimin e aktivitetëve artizanale dhe marketingun e tyre (përpunimi i tekstilit, lëkurës, leshit; përpunimi i drurit; punët e dorës, si përgatitja e kostumeve tradicionale; thurja e veshmbathjeve tradicionale; prodhimi i pëlhurave të thurura dhe të endura; qëndisja / thurja e qilimave dhe sixhadeve; përgatitja e bizhuterive të ndryshme; përpunimi i lëkurave dhe aktivitetet e tjera që janë punë artizanale)
- Zhvillimin e turizmit rural dhe turizmit në fermë.

2. PËRFITUESIT E PRANUESHËM

Përfituesit e pranueshëm për këtë masë janë personat fizik dhe juridik. Ata duhet të jenë banorë të përhershëm të Republikës së Kosovës dhe duhet t'i përmbushin kushtet sipas kësaj thirrjeje për aplikim.

3. SHTRIRJA GJEOGRAFIKE

Tërë territori i Republikës së Kosovës

4. KRITERET SPECIFIKE TË PRANUESHMËRISË

4.1 – Bletaria – prodhimi, përpunimi dhe marketingu i mjaltit

Aplikuesit duhet:

- Të kenë së paku 30 shoqëri (koshere) bletësh;
- Të dëshmojnë përvojë të mjaftueshme bujqësore dhe kompetencë duke plotësuar njërin nga kushtet në vijim:
 - Fakultetin e Bujqësisë ose Shkollën e Mesme bujqësore;
 - Ose një deklaratë me shkrim ku zotohen që do të vijojnë një kurs trajnimi me kohëzgjatje prej së paku 20 orësh, para aplikimit për pagesën përfundimtare.

4.2 – Përpunimi i prodhimeve jodrusore të malit dhe marketingu i tyre (bimëve mjekuese dhe aromatike, frutave pyjore dhe kërpudhave të grumbulluara)

Aplikuesit duhet:

- Të jenë vetëm persona juridikë;
- Të licencuar për grumbullimin e bimëve mjekuese dhe aromatike, frutave pyjore dhe kërpudhave nga Departamenti i Pylltarisë i MBPZHR.

4.3 – Përpunimi i prodhimeve bujqësore (të kultivuara) dhe marketingun e tyre (perimet, frutat, erëzat, bimët mjekuese, kërpudhat, qumështi, mushti, vera, rakia nga rrushi dhe nga fruta të tjerë, prodhimi i uthullës, përpunimi i brumërave)

Aplikuesit duhet:

- Në rast të prodhimit të verës dhe rakisë, të posedojnë më pak së 4 hektarë vreshta;
- Në rast të përpunimit të qumështit, kapaciteti përpunues nuk duhet të tejkalojë 500 l në ditë.

4.4 – Zhvillimin e aktiviteteve artizanale dhe marketingun e tyre (përpunimi i tekstilit, lëkurës, leshit; përpunimi i drurit; punët e dorës, si përgatitja e kostumeve tradicionale; thurja e veshmbathjeve tradicionale; prodhimi i pëlhurave të thurura dhe të endura; qëndisja / thurja e qilimave dhe sixhadeve; përgatitja e bizhuterive të ndryshme; përpunimi i lëkurave dhe aktivitetet e tjera që janë punë artizanale)

- Nuk ka kriteret specifike

4.5 – Zhvillimi i turizmit rural dhe turizmit në fermë

Aplikuesit duhet:

- Të dëshmojnë se objekti që do të rinovohet/adaptohet/zgjerohet duhet t'i përshtatet stilit përkatës (tradicional) të zonës rurale dhe të mbështetet me fotografi për ekzistimin e atij objekti me konstruktin tradicional (në kohën e aplikimit);
- Përfituesit të cilët investojnë në objekte që janë në Listën e Trashëgimisë Kulturore, pas nënshkrimit të kontratës me Agjencinë për Zhvillimin e Bujqësisë, por para fillimit të investimeve, duhet ta marrin pëlqimin nga Ministria e Kulturës / Departamenti i Trashëgimisë Kulturore;
- Përfituesi, pas nënshkrimit të kontratës me AZHB-në, duhet ta sjellë projektin e dizajnuar nga arkitekti, të përshtatur pamjes së objektit siç është paraqitur në fotografi në kohën e aplikimit;
- Në rast të projekteve me bujtinë, në fund të investimit objekti nuk duhet të ketë më pak se 5 shtretër dhe jo më shumë 15 shtretër;
- Në rast të investimeve në ndërtimin e shtigjeve për këmbësorë dhe biçiklistë përreth objekteve të turizmit rural, (me rastin e aplikimit duhet të silllet pëlqimi i pronarëve të pronave nëpër të cilat kalon ky shteg i noterizuar nga notari);

- Zotim që në fund të investimit (para kërkesës për pagesë) përfituesi do ta regjistrojë aktivitetin e tij ekonomik (biznesin) në ARBK dhe se do ta punësojë së paku vetveten dhe këtë ta dëshmojë me pagesën e tatimeve dhe kontributeve në të ardhura së paku për një muaj.

5. SHPENZIMET E PRANUESHME DUHET TË PËRKUFIZOHEN NË:

Për të gjitha nënmasat:

Shpenzimet maksimale të pranueshme për marketing nuk mund të kalojnë 10% të vlerës së gjithëmbarshme të investimeve të pranueshme. Investimet për marketingun e produkteve të prodhuara dhe të përpunuara janë: materialet promovuese, pagesat për pjesëmarrje në panairët lokale/kombëtare;

Shpenzimet për përgatitjen e planit të biznesit apo projekt-propozimit nuk mund ta tejkalojnë vlerën prej 3% të shpenzimeve të pranueshme;

Në rast të investimeve që parashohin ndërtim/rinovim të objekteve, shpenzimet për arkitektë dhe inxhinierë janë të pranueshme deri në vlerën 7% të shpenzimeve të pranueshme.

6. VLERA E PROJEKTEVE DHE INTENSITETI I PËRKRAHJES

- Vlera minimale e shpenzimeve të pranueshme për projekt është 5 000 €
- Vlera maksimale e shpenzimeve të pranueshme për projekt është 30 000 €, përveç për nënmasën 302.5, e cila është 50 000 €
- Intensiteti total i përkrahjes publike është 65% e të gjitha shpenzimeve të pranueshme të projektit.

7. LISTA E SHPENZIMEVE INDIKATIVE PËR NËNMASA ËSHTË SI NË VIJIM:

302.1 – Bletaria – prodhimi, përpunimi dhe marketingu i mjaltit

- Investimet në koshere, në prodhim të mjaltit, në makineri dhe pajisje për përpunim;
- Rimorkiot e specializuara për bartjen e koshereve, vetëm ata mbi 50 koshere;
- Investimet në pajisje për nxjerrjen e qumështit të bletës;
- Investimet në pajisje për kultivimin e mëmave;
- Ndërtimi, rinovimi i dhomës/objektit të mjaltit;
- Blerja e pajisjeve për mjaltë dhe laboratorëve për analizim të produkteve të bletëve;
- Blerja e linjave teknologjike për përpunim të mjaltit;
- Makina paketuese të llojeve të ndryshme.

302.2 – Përpunimi i prodhimeve jodrusore të malit dhe marketingu i tyre (bimëve mjekuese dhe aromatike, frutave pyjore dhe kërpudhave të grumbulluara)

- Ndërtimi/rinovimi i objekteve për ruajtjen, përpunimin dhe paketimin e bimëve mjekuese, frutave pyjore dhe kërpudhave të grumbulluara;
- Blerja e pajisjeve për larje, pastrim, ruajtje, klasifikim dhe përpunim;
- Blerja e pajisjeve për ftohje, ngrirje të thellë, për tharje etj;
- Blerja e rafteve për terje;
- Pajisje për matje (peshore) paketim dhe etiketim.

302.3 – Përpunimi i prodhimeve bujqësore (të kultivuara) dhe marketingun e tyre (perimet, frutat, erëzat, bimët mjekuese, kërpudhat, qumështi, mushti, vera, rakia nga rrushi dhe nga fruta të tjerë, prodhimi i uthullës, përpunimi i brumërave)

- Ndërtimi/rinovimi i objekteve për ruajtjen, përpunimin dhe paketimin e bimëve mjekuese, frutave pyjore dhe kërpudhave të grumbulluara;
- Blerja e pajisjeve për larje, pastrim, ruajtje, klasifikim dhe përpunim;
- Blerja e pajisjeve për ftohje, ngrirje të thellë, për tharje etj;
- Blerja e rafteve për terje;
- Pajisje për matje (peshore) paketim dhe etiketim.

302.4 – Zhvillimin e aktiviteteve artizanale dhe marketingun e tyre (përpunimi i tekstilit, lëkurës, leshit; përpunimi i drurit; punët e dorës, si përgatitja e kostumeve tradicionale; thurja e veshmbathjeve tradicionale; prodhimi i pëlhurave të thurura dhe të endura; qëndisja / thurja e qilimave dhe sixhadeve; përgatitja e bizhuterive të ndryshme; përpunimi i lëkurave dhe aktivitetet e tjera që janë punë artizanale)

- Ndërtimi ose rinovimi i objekteve për ruajtjen e për zhvillimin e aktiviteteve artizanale;
- Ndërtim i objektit /rinovimi i objekti me enterier tradicional për përdorim si pika shitëse për prodhimet lokale; (të përshkruhet në projekt-propozim);
- Investimet në blerjen e pajisjeve për thurje dhe për endje të pëlhurave;
- Investimet në blerjen e pajisjeve për punimin qilimave dhe sixhadeve;
- Investimet në blerjen e pajisjeve për përpunimin e lëkurës;
- Investimet në blerjen e pajisjeve për përpunimin e drurit dhe aktiviteteve tjera artizanale që janë punë dore; Investimet në blerjen e pajisjeve për aktiviteteve të tjera artizanale.

302.5 – Zhvillimi i turizmit rural dhe turizmit në fermë

- Rinovimi/adaptimi/zgjerim të objekteve tradicionale si bujtina dhe për ofrimin e shërbimeve gastronomike; (jo më pak se 5 vende për fjetje dhe jo më shumë se 15 vende për fjetje)
- Rinovimi i objekteve me pamje tradicionale (mulli etj.) për përdorim si pika shitëse për prodhimet lokale, për ofrimin e shërbimeve gastronomike tradicionale, për ofrimin e informatave për atë zonë rurale;
- Investime në ndërtimin e shtigjeve për këmbësorë dhe biçiklistë përreth objekteve të turizmit rural;
- Blerja e pajisjeve që nevojiten për rregullimin/mobilimin e dhomave, kuzhinës, salla ku ofrohet ushqimi (shtretër, ulëse, tavolina, karrige etj.);
- Blerja e pajisjeve që ofrojnë aktivitete për argëtim të fëmijëve (tobogan, luhatëse, tenis tavoline etj.);
- Investimet në krijimin e uebfaqes.

8. DOKUMENTET E NEVOJSHME

Për të aplikuar për Masën 302, në sektorët përkatës, dokumentet e nevojshme mund t'i gjeni në Udhëzuesit për aplikues në uebfaqen e AZHB-së dhe në zyrat rajonale përkatëse.

Të gjithë përfituesit e projekteve duhet t'i respektojnë rregullat dhe procedurat e prokurimit publik që janë të bashkëngjitura si shtojcë e kontratës që fermeri e nënshkruan me Agjencinë e Zhvillimit të Bujqësisë.

9. KOHA DHE MËNYRA E PRANIMIT TË APLIKACIONEVE

Data e fillimit të dorëzimit të formularit për aplikim është dita e publikuar e thirrjes për aplikim.

Thirrja për aplikim do të jetë e hapur nga data 25 shkurt deri më 10 prill 2015.

Formulari për aplikim dhe dokumentet e bashkëngjitura duhet të dorëzohen në Zyrën Rajonale të Agjencisë për Zhvillimin e Bujqësisë në: Prishtinë, Mitrovicë, Pejë, Gjakovë, Prizren, Ferizaj dhe Gjiilan nga ora 8:30-16:00 çdo ditë pune.

Për informata më të hollësishme vizitoni uebfaqen www.mbpzhr-ks.net, uebfaqen azhb.rks-gov.net si dhe konsultoni udhëzuesin për aplikues.

10. KONTAKTET DHE PIKAT (VENDET) INFORMUESE LIDHUR ME APLIKIMIN

MBPZHR/AZHB

Adresa: Rr. “Nazim Gafurri” nr. 23 (afër gjimnazit “Sami Frashëri”)

Nga e hëna deri të premten: nga ora 10:00 – 12:00; E-mail adresat:

1	Nehat Veliu	038 211 967	nehat.veliu @rks-gov. net	
2	Habibe Dauti		habibe.dauti@rks-gov. net	
3	Berat Nika		berat.nika@rks-gov. net	
Nr.	Rajoni	Adresat	Telefoni	e-maili
1	Prishtinë	Zona Industriale - Fushë Kosovë, përballë Maxi-Marketit	038 601 169	
2	Mitrovicë	“Mbretëresha Teutë” pa nr.	028 522 501	
3	Pejë	Instituti Bujqësor “Fidanishtja” Pejë	039 431-276	
4	Gjakovë	“Marin Barleti” nr. 2, kati III.	0390 320-992	
5	Prizren	“Avni Rrustemi” 159	029 244-793	
6	Ferizaj	“Dëshmorët e kombit” pa nr.	0290 324 661	
7	Gjilan	Rr. “Bulevardi i Pavarësisë” (Rr. e Ferizajt) (Soliteri, kati I)	0280 326 106	